

"MENGINGATI MATI : PERSIAPAN HARI TERAKHIR"

ٱلْحَمَدُ لِلّهِ الْقَائِلِ: كُلُّ نَفْسِ ذَآبِقَةُ ٱلْمَوْتِ وَإِنَّمَا تُوَقَّوْرَكُمْ يَوْمَ ٱلْقِيَكِمَةِ فَمَن زُحْرِحَ عَنِ تُوفَّوْرَكُمْ يَوْمَ ٱلْقِيكِمَةِ فَمَن زُحْرِحَ عَنِ ٱلنَّارِ وَأُدْ خِلَ ٱلْجَنَّةَ فَقَدْ فَازَ وَمَا ٱلْحَيَوٰةُ ٱلدُّنَيَآ إِلَّا مَتَكُ

ٱلۡغُرُورِ ﴿



Sidang Jumaat yang dirahmati Allah sekalian,

Marilah kita sama-sama meningkatkan ketakwaan kepada Allah SWT. Dengan melaksanakan segala perintah-Nya dan meninggalkan segala larangan-Nya. Mudah-mudahan hidup kita berbahagia di dunia dan mendapat rahmat di akhirat.

Khutbah pada hari ini mengingatkan kita betapa pentingnya "Mengingati Mati: Persiapan Hari Terakhir".

Sidang Jumaat yang dirahmati Allah sekalian,

Secara mudah, mati dapat difahami sebagai terpisahnya roh daripada jasad atau nyawa daripada badan. Sesungguhnya setiap yang hidup akan merasai mati, tidak kira muda atau tua, kanak-kanak atau dewasa, sakit ataupun sihat. Ia adalah ketentuan Allah yang manusia tidak dapat lari daripadanya. Samada suka atau tidak, bersedia atau belum, tidak kira dimana mereka berada.

Firman Allah SWT. Dalam surah an-Nisa' ayat 78:

" Di mana jua kamu berada, kematian akan mendapatkan kamu (bila sampai ajal), sekalipun kamu berada didalam bintang-bintang yang tinggi lagi kukuh".

Hidup lawannya mati. Mati tidak bererti kehidupan seseorang telah berakhir serta tidak mempunyai apa-apa tanggungan lagi. Ini kerana hidup dan mati adalah ujian Allah bagi menentukan siapakan yang terbaik amalannya.



Firman Allah SWT dalam surah al-Mulk ayat 2:

" Dialah yang menciptakan adanya mati dan hidup untuk menguji kamu, siapakah antara kamu yang lebih baik amalannya. Dia maha perkasa (dalam melakukan pembalasan terhadap orang derhaka) lagi maha pengampun (bagi orang yang bertaubat).

Sidang Jumaat yang dirahmati Allah sekalian,

Melalui beberapa penjelasan daripada al-Quran dan al-Hadis, Allah SWT. telah menentukan ajal seseorang. Apabila sampai ketikanya ia tidak akan dipercepatkan atau dilewatkan walaupun sesaat. Malaikat Izrail yang ditugaskan mencabut nyawa seseorang tidak akan mengambil kira tempat, keadaan dan kedudukan seseorang itu. Apabila ajal sampai, tidak ada apa-apa lagi untuknya di dunia, tanah untuk ia berpijak, sesuap nasi untuk dimakan, setitis air untuk diminum dan sesedut udara untuk bernafas. Akan kembalilah rohnya kepada Allah, kembalilah badannya ke tanah. Kecuali amalan baik atau buruk yang akan kembali kepada dirinya sebagai bekalan.

Ketika menghadapi kematian, orang yang tidak beriman merasa gerun serta penuh penyesalan, kerana diperlihatkan amalan buruknya. Bagaimanapun orang yang beriman, ketika diperlihatkan amalan baiknya akan merasa gembira. Sedang ahli keluarganya yang berada disekelilingnya merasa cemas sambil berusaha untuk menyelamatkannya.



Firman Allah SWT. dalam surah al-Qiyaamah ayat 26-29:

"Sedarlah (jangan mengutamakan dunia dan melupakan akhirat. Ingatlah akan hal orang yang hendak mati) apabila rohnya sampai kepangkal kerongkong dan orang yang hadir disisinya heboh) berkata: "Siapakah yang dapat menawar jampi (dan mengubatinya)?. Dan dia sendiri yakin, bahawa sesungguhnya saat itu ialah saat perpisahan. Betis akan bertaut satu sama lain (lantaran kesakitan menghadapi mati). (Maka) kepada tuhanmulah pada waktu itu, engkau dibawa (untuk menerima balasan)".

Sidang Jumaat yang dirahmati Allah sekalian,

Kematian bererti berakhirnya hidup di alam dunia dan permulaan bagi kehidupan di alam akhirat. Di akhirat perkiraannya sangat berbeza berbanding dengan kehidupan di dunia. Segala-galanya berdasarkan keimanan dan ketaatannya kepada Allah, ketika hidup di dunia. Dengan tidak mengira bagaimana matinya, cara biasa, terbakar, lemas, atau terbunuh, ia tetap akan melalui alam barzah atau alam kubur. Tidak ada ketetapan tertentu tempoh masa ia berada di alam kubur ini.

Di alam kubur manusia akan berhadapan dengan soalan mungkar dan nakir. Bagi mereka yang melepasi soalan kubur, akan diberikan nikmat berupa permaidani dan pakaian daripada syurga. Kuburnya akan meluas, sejauh mata memandang. Bagi mereka tidak dapat melepasi soalan kubur akan disediakan



tempat pembaringan dari neraka, kuburnya menyempit mengasak badan sehingga patah remuk tulang-tulangnya.

Kemudian, apabila sampai saatnya berlaku kiamat, manusia akan dibangkitkan dan dihimpunkan dipadang mahsyar. Bayangkanlah betapa sesaknya, kerana semua manusia sejak zaman Nabi Adam AS. hingga hari kiamat akan dihimpunkan dipadang mahsyar. Walau bagaimanapun bagi golongan yang beriman akan berada dalam kenikmatan, sementara yang ingkar dalam keadaan azab. Setiap orang akan melalui titian (Sirat al-Mustaqim), dihisab dan ditimbang amalannya. Semuanya bagi menunjukkan bahawa Allah SWT. maha adil dan manusia akan diberi pembalasan dengan seadil-adilnya.

Sidang Jumaat yang dirahmati Allah sekalian,

Marilah kita bermuhasabah diri untuk memastikan kerja kuat kita, siang dan malam bukan hanya bagi memenuhi keperluan dan kesenangan hidup di dunia yang sementara, tetapi dapat menjadi bekalan kehidupan yang abadi di akhirat. Untuk dijadikan sebagai bekalan akhirat, tidak terbatas kepada perkara-perkara yang berkaitan ibadah khusus sahaja. Segala pekerjaan yang zahirnya bersifat keduniaan seperti untuk menyara kehidupan dan mencari kekayaan, ia tetap boleh menjadi bekalan akhirat sekiranya ia dilakukan dengan niat yang betul serta menepati prinsip syarak. Yakinlah, dengan menerapkan nilai agama dalam pekerjaan serta istiqamah dalam ibadah, Allah SWT. akan menjaga kehidupan kita, hati kita menjadi tenang dan segala urusan akan dipermudahkan disamping beroleh keberkatan rezeki yang datang dari sumber-sumber yang tidak diduga.

Ingatlah, akhirat adalah tempat meraih untung rugi yang hakiki, hasil daripada usaha dalam kehidupan kita semasa di dunia. Akhirat bukan lagi tempat untuk bekerja dan beramal. Justeru, gunakanlah masa sekarang, masa muda, masa sihat, masa lapang, sebagai waktu untuk mencari dan mengumpul bekalan



yang menguntungkan. Allah SWT. menggesa umat manusia bekerj adan beramal untuk faedah mereka sendiri. Allah SWT. tidak rugi, jika manusia enggan taat, kerana Allah sedia bersifat maha sempurna dan maha kaya. Allah SWT. tidak bertambah mulia, dengan ketaatan manusia, kerana Allah sedia bersifat maha agung dan maha mulia. Jangan sampai timbul kekesalan, dengan memohon untuk kembali kedunia kerana hendak beramal. Sesuatu perkara sia-sia yang tidak mungkin boleh berlaku. Ia juga suatu keyakinan yang tidak membawa apaapa erti lagi.

Firman Allah dalam surah as-Sajadah ayat 12:

"Wahai tuhan kami, kami telah melihat dan mendengar dengan sejelasjelasnya, maka kembalikanlah kami ke dunia supaya kami mengerjakan amalamal yang baik, sesungguhnya sekarang kami telah yakin".

Sidang Jumaat yang dirahmati Allah sekalian,

Bukankah kita sentiasa diperingatkan setiap kali mendengar khutbah Jumaat agar bertaqwa, bagi tujuan membuat persiapan serta menyediakan bekalan untuk kehidupan di akhirat. Iaitu dengan menunaikan amanah Allah serta melaksanakan tanggungjawab sebagai khalifahnyaa. Kerana taqwa merupakan sebaik-baik bekalan bagi kehidupan di akhirat.

Firman Allah SWT. dalam surah al-Baqarah ayat 197:



"Dan berbekallah secukupnya, kerana sesungguhnya sebaik-baik bekalan adalah takwa, dan bertakwalah kepadaku wahai orang yang berakal".

Merujuk kepada isyarat Rasulullah SAW. ketika menyatakan takwa, baginda meletakkan tangannya kedada, arah letaknya hati (kalbu) yang fungsinya untuk mengenal dan mengingati Allah. Dengan selalu mengingati Allah, akan terjadilah sifat ihsan yang membentuk watak hamba yang taat kepada perintah Allah dan rasulnya.

Justeru hindarilah daripada meletakkan harta dunia dihati, kerana boleh menggalakkan pandangan terhadap kehidupan akhirat. Letakkan harta dunia ditangan. Dengan dorongan hati yang mengenali dan mengingati Allah, dengan tangan harta diperolehi, dengan tangan juga harta diinfakkan. Sentiasalah sedar bahawa harta dunia adalah amanah kurniaan Allah. Dunia adalah alat, bukan matlamat.

Antara pengajaran dan penghayatan daripada khutbah hari ini adalah:

- 1. Kita hendaklah sentiasa beringat bahawa saat kematian pasti akan tiba dan tiada sesiapa yang mampu menghalangnya.
- 2. Banyakkanlah berdoa agar kita mati dalam keadaan Husnul Khatimah iaitu beriman kepada Allah SWT.
- 3. Bersedialah menghadapi kematian dengan beramal soleh bagi kehidupan di akhirat yang kekal abadi.



أَعُوذُ بِاللَّهِ مِنَ الشَّيْطَنِ الرَّجِيمِ الرَّجِيمِ مَنْ عَمِلَ صَلِحًا فَلِنَفْسِهِ عَوَمَنْ أَسَاءَ فَعَلَيْمَا ثُمَّ إِلَىٰ مَنْ عَمِلَ صَلِحًا فَلِنَفْسِهِ عَوْمَنْ أَسَاءَ فَعَلَيْمَا ثُمَّ إِلَىٰ رَبِّكُمۡ تُرۡجُعُونَ فَعَلَيْمَا فَا فَعَلَيْمَا فَا فَالْمَا فَالْمَا عَلَيْمَا فَا فَعَلَيْمَا فَا فَالْمَا فَالْمَا فَالْمَا فَالْمَا فَالْمَا فَالْمَا فَالْمَا فَالْمَا فَاللّهُ اللّهِ عَلَيْهَا فَاللّهُ اللّهُ الللّهُ اللّهُ اللّ

"Sesiapa yang mengerjakan amal soleh, maka faedahnya adalah untuk dirinya sendiri. Sesiapa yang mengerjakan kejahatan, maka risikonya akan menimpa dirinya sendiri, kemudian kamu akan dikembalikan kepada tuhan kamu".

(al-Jaasiyah: 15).



بَارَكَ الله لِي وَلَكُمْ بِالْقُرْآنِ الْعَظِيْمِ, وَنَفَعَنِيْ وَإِيَّاكُمْ بِمَا فِيْهِ مِنَ الْآياتِ وَالدِّكْرِ الْحَكِيمِ وَإِيَّاكُمْ بِمَا فِيْهِ مِنَ الْآياتِ وَالدِّكْرِ الْحَكِيمِ وَتَقَبَّلَ مِنِيْ وَمِنْكُمْ تِلاُوتَهُو, إِنَّهُ هُوَ السَّمِيْعُ الْعَلِيمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلَيْ اللهَ الْعَظِيْمَ لِيْ وَلَكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ, هُوَ الْعَفُورُ الرَّحِيْمُ.



KHUTBAH KEDUA



الأَحْيَاء مِنْهُمْ وَالأَمْوَات نَسْأَلُكَ و نَسْأَلُك بأسْمَآئِكَ مَى أَنْ تَحْفَظَ فظ وقايتك الْمُعَظّم سُلْطَان سلاَغُور، سُلْطَان الحاج ابن وَ التُّو ْفِيْقِ َ، شاه إبن السُّلْطَانَ شرك



لَعَلَّكُمْ تَذَكَّرُونَ



فَاذْكُرُواْ اللهَ الْعَظِيْمَ يَذْكُرْكُمْ وَاشْكُرُوهُ عَلَىٰ نَعَمِهِ مَ يَزِدْكُمْ، وَاسْأَلُوهُ مِنْ فَضْلِهِ يَعْطِكُمْ وَاللهَ أَكُرُ كُمْ مَا تَصْنَعُونَ. وَاللَّهُ يَعْلَمُ مَا تَصْنَعُونَ.